



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

Broj:01-011-988/02.

Sarajevo, 28.decembra 2002.

Z A P I S N I K

sa 31. sjednice Predstavničkog doma Parlamentarne skupštine
Bosne i Hercegovine, održane 16.septembra 2002.godine

Tridesetprva sjednica počela je s radom u 11,20 sati. Prisustvovalo je 39 poslanika. Odsustvovali su Boro Bjelobrč, Adem Borić i Mirko Banjac.

Pored poslanika sjednici su prisustvovali Beriz Belkić, predsjedavajući i Jozo Križanović, član Predsjedništva Bosne i Hercegovine, Dragan Mikerević, predsjedavajući Vijeća ministara, Azra Hadžiahmetović, ministar, Gordana Ković, Kadrija Haračić – Šabić i Rasim Kadić – zamjenici ministara.

Iz međunarodnih organizacija sjednicu su pratili Emil Watuins, Nermina Kožljak i Paul Labun – NDI; Maja Ribar – OHR; Douglas Jonis i Mirsad Žiga – Američka ambasada.

Predsjedavajući Mariofil Ljubić ukratko je upoznao poslanike o određenim izmjenama u prijedlogu dnevnog reda koji su poslanici dobili prilikom saziva sjednice.

U raspravi o predloženom dnevnom redu Željko Bilbija je predložio da se odgodi rasprava o Izvještaju Komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o vazduhoplovstvu, s obzirom da Kolegij nije postigao saglasnost, a postoji mogućnost da se u daljim konsultacijama nađe kompromis.

Ovaj prijedlog poslanika Bilbije je usvojen sa 32 glasa ZA. Potom je Dom jednoglasno (u momentu glasanja prisutno 35 poslanika) za 31.sjednicu usvojio sljedeći

D N E V N I R E D:

1. Zapisnik sa 27., 29. i 30. sjednice Predstavničkog doma,
2. Imenovanje članova u Zajedničku komisiju oba doma radi postizanja sporazuma o jedinstvenom tekstu:
 - a) Zakona o veterinarstvu u Bosni i Hercegovini i
 - b) Zakona o odlikovanjima,
3. Poslanička pitanja i odgovori,

4. Izvještaj Komisije Kolegija o nastojanju za postizanje saglasnosti o Prijedlogu zakona o vazduhoplovstvu BiH,
5. Izvještaj Komisije Kolegija o nastojanju za postizanje saglasnosti o amandmanu I poslanika Željka Bilbije i amandmanu Emine Zaćiragić na Prijedlog zakona o jednakosti polova u Bosni i Hercegovini,
6. Izvještaj Komisije Kolegija o nastojanju za postizanje saglasnosti o zahtjevu za razmatranje Prijedloga zakona o registraciji pravnih lica osnovanih od institucija vlasti Bosne i Hercegovine po hitnom postupku (član 105. Poslovnika - predlagač poslanik Mariofil Ljubić),
7. Izvještaj Zajedničke komisije o postizanju sporazuma o jedinstvenom tekstu Zakona o upravi,
8. Izvještaj Zajedničke komisije o postizanju sporazuma o jedinstvenom tekstu Zakona o koncesijama Bosne i Hercegovine,
9. Prijedlog zakona o Agenciji za rad i zapošljavanje Bosne i Hercegovine (drugo čitanje),
10. Prijedlog zakona o upotrebi i zaštiti naziva Bosne i Hercegovine (drugo čitanje),
11. Prijedlog zakona o izmjeni Zakona o industrijskom vlasništvu u Bosni i Hercegovini (drugo čitanje),
12. Prijedlog zakona o kretanju i boravku stranaca i azilu (prvo čitanje),
13. Prijedlog zakona o međudržavnim i međuentitetskim komunikacijama (prvo čitanje) - predlagači poslanici Abdurahman Malkić, Muhamed Begović i Sead Buturović,
14. Prijedlog zakona o ugovorima o prevozu u cestovnom transportu (prvo čitanje) – predlagači poslanici Abdurahman Malkić, Muhamed Begović i Sead Buturović,
15. Prijedlog zakona o državnim cestama (prvo čitanje) – predlagači poslanici Abdurahman Malkić, Muhamed Begović i Sead Buturović,
16. Prijedlog zakona o osnovama sigurnosti saobraćaja na cestama (prvo čitanje) – predlagači poslanici Abdurahman Malkić, Muhamed Begović i Sead Buturović,
17. Prijedlog zakona o unutrašnjoj i pomorskoj plovidbi (prvo čitanje) – predlagači poslanici Abdurahman Malkić, Muhamed Begović i Sead Buturović,
18. Prijedlog zakona o pošti (prvo čitanje) – predlagači poslanici Abdurahman Malkić, Muhamed Begović i Sead Buturović,
19. Izvještaj Komisije za ljudska prava, imigraciju, izbjeglice i azil o posjetama jednom broju opština,
20. Izvještaj o radu Komisije za razmatranje statusa lica naturalizovanih u periodu 6.4.1992. godine do stupanja na snagu Ustava Bosne i Hercegovine,
21. Izvještaj Komisije za finansije i budžet povodom pitanja specijalne revizije za Projekat CIPS-a,
22. Davanje saglasnosti za ratifikaciju:
 - a) Sporazuma o razvojnom kreditu “Projekat upravljanja cestama i sigurnost” između Bosne i Hercegovine i Svjetske banke – Međunarodne asocijacije za razvoj (IDA),
 - b) Konvencije o biološkoj raznolikosti, Rio De Ženeiro, 5. juna 1992. godine,
 - c) Konvencija UN o suzbijanju dezertifikacije u zemljama pogođenim jakim sušama i/ili dezertifikacijom, posebno u Africi, Pariz, 14. oktobar 1994.

Ad. – 1: Zapisnik sa 27., 29. i 30. sjednice Predstavničkog doma

U vezi s zapisnikom sa 27. sjednice predsjedavajući je obrazložio razloge zašto nije održan nastavak sjednice, shodno prijedlogu poslanika Marko Amidžića koji je na kraju sjednice rekao da 27. sjednica nije završena već je prekinuta, budući da nije završena tačka dnevnog reda “Izbor Delegacije Parlamentarne skupštine BiH u Vijeću Evrope”. U ime Kolegija predložio je da Dom usvoji zapisnik u tekstu koji su poslanici dobili.

Marko Amidžić je zatražio da Kolegij pojasni svoj prijedlog. Pored ostalog, rekao je da je po Poslovniku trebalo održati nastavak sjednice.

Pošto više nije bilo diskusije, predsjedavajući je na glasanje dao svaki zapisnik ponaosob.

Sa 25 glasova ZA, 8 protiv i 9 suzdržanih, (iz Federacije BiH ZA 15, iz RS 11) Dom je usvojio zapisnik sa 27. sjednice.

Zapisnici sa 29. i 30. sjednice usvojeni su jednoglasno.

Ad. – 2: Imenovanje članova u Zajedničku komisiju oba doma radi postizanja sporazuma o:

- a) Zakona o veterinarstvu u Bosni i Hercegovini i
- b) Zakona o odlikovanjima

Prijedloge za imenovanje članova u Zajedničke komisije, u ime klubova, iznijeli su Željko Bilbija, Emina Zaćiragić, Mirko Grabovac, Osman Brka i Momir Tošić. U diskusiji su učestvovali Mariofil Ljubić, Sead Avdić i Mirko Grabovac. Poslije diskusije Osman Brka odustao je od prijedloga da se u Komisiju za Zakon o veterinarstvu imenuje Salih Kulenović. Potom su u zajedničke komisije oba doma, radi sporazuma o jedinstvenom tekstu zakona, imenovani:

- za Zakon o veterinarstvu u Bosni i Hercegovini – Branislav Lolić, Mustafa Cuplov i Marko Amidžić,
- za Zakon o odlikovanjima BiH – Zdenko Vukić, Amor Mašović i Mirko Mijatović.

Ad. – 3: Poslanička pitanja i odgovori

Odgovore o poslaničkim pitanjima komentarisali su Salih Kulenović, Osman Brka, Muhamed Begović, Sead Buturović i Franjo Majdandžić.

Nezadovoljstvo zbog toga što još uvijek nisu dobili odgovore na ranije postavljena pitanja izrazili su Muhamed Begović, Bahrija Osmanović i Miloš Jovanović.

Nova poslanička pitanja postavili su poslanici kako slijedi:

Abdurahman Malkić:

1. Zašto Kolegij Doma do sada nije uvrstio u dnevni red Izvještaj o radu Izborne komisije Bosne i Hercegovine? Predložio je da se to uvrsti kao tačka dnevnog reda za narednu sjednicu.

2. Ko je sredstvima informisanja slao obavještenje o današnjoj sjednici Doma i na koji način? (pitanje uputio Kolegiju ili Sekretarijatu Doma).

Zdenko Vukić:

U vezi s uplatom 632 miliona KM na ime radnog staža radnika, Vlade Federacije BiH uputio pitanja:

1. Na koje tvrtke je uplaćen taj iznos?
2. Koji su iznosi u pitanju i kakva je nacionalna struktura radnika?
3. Koji su razlozi, odnosno motivi nezakonite smjene Upravnog odbora i posloводства

Mirovinskog fonda FBiH, odnosno preuzimanje uloge Upravnog odbora od strane Vlade FBiH?

Vijeću ministara postavio pitanje: Šta će učiniti na osiguranju nastupa Šahovske reprezentacije na Olimpijadi koja će se održati u Sloveniji?

Senad Šarganović:

U kojoj fazi se nalazi obnova Unske pruge i kada će biti završena kompletna obnova iste?

Miloš Jovanović:

Zašto porodica Petrovič Spase još ne može da vrati stan u Banovićima?

Ibrahim Đedović:

Da li je i kojim aktom regulisana upotreba službenih vozila za vrijeme predizborne kampanje? Pitanje uputio kolegijima Predstavničkog doma i Doma naroda, kolegijima entitetskih domova i predsjedavajućem Vijeća ministara.

Želko Bilbija:

Da li je sa SRJ potpisan sporazum o prevozu robe i putnika?

Miro Grabovac:

Kolegiju uputio zahtjev da na ovoj sjednici da autentično tumačenje člana 8.1. Izbornog zakona.

Povodom zahtjeva diskutovali su Miro Grabovac i Mirko Banjac. U vezi s ovim zahtjevom dogovoreno je da se zahtjev uputi u pisanoj formi i redovnu proceduru, na šta će se u pisanoj formi i odgovoriti.

Ad. – 4: Izvještaj Komisije Kolegija o nastojanju za postizanje saglasnosti o amandmanu I poslanika Željka Bilbije i amandmanu Emine Zaćiragić na Prijedlog zakona o jednakosti polova u Bosni i Hercegovini

Predsjedavajući je podsjetio na Izvještaj Komisije Kolegija i da Kolegij nije postigao saglasnost o amandmanu I Željka Bilbije, kao ni o amandmanu Emine Zećiragić. Potom je dao na glasanje amandmane u drugom krugu.

ZA amandman I Željka Bilbije od 35 prisutnih glasalo je 15, protiv 16, 3 poslanika su se suzdržala. Prema tome, amandman nije usvojen.

Također nije usvojen ni amandman Emine Zaćiragić. Od 35 prisutnih, ZA je glasalo 16, protiv 13, suzdržalo se 4 poslanika. Glasajući po entitetima, iz Republike Srpske protiv je glasalo 10 poslanika. Prema tome, amandman nije usvojen.

Pošto se glasalo o amandmanima, Dom se izjasnio i o Prijedlogu zakona o ravnopravnosti i jednakosti polova u Bosni i Hercegovini.

Od prisutnih 36, ZA su glasala 24 poslanika, a 11 se suzdržalo. Po entitetima, iz Federacije BiH ZA su glasala 22, iz Republike Srpske 3 poslanika. Prema tome, Prijedlog zakona nije dobio entitetsku većinu zbog čega će se provesti postupak usaglašavanja u Komisiji Kolegija.

Ad. – 5: Izvještaj Komisije Kolegija o nastojanju za postizanje saglasnosti o zahtjevu za razmatranje Prijedloga zakona o registraciji pravnih lica osnovanih od institucija vlasti Bosne i Hercegovine po hitnom postupku (član 105. Poslovnika – predlagač poslanik Mariofil Ljubić)

U Komisiji Kolegija nije postignuta saglasnost o zahtjevu, te je proveden drugi krug glasanja.

Od 36 prisutnih ZA je glasalo 26 protiv 10 poslanika. Po entitetima, iz Republike Srpske protiv je glasalo 10 poslanika. Prema tome, zahtjev da se Prijedlog zakona o registraciji pravnih lica osnovanih od institucija vlasti BiH razmatra po članu 105. nije usvojen, te će se predloženi zakon razmatrati u redovnoj proceduri.

Ad. – 6: Izvještaj Zajedničke komisije o postizanju sporazuma o jedinstvenom tekstu Zakona o upravi

Zajednička komisija je postigla saglasnost o jedinstvenom tekstu Zakona o upravi. Izvještaj zajedničke komisije usvojeno je jednoglasno.

Ad. -7: Izvještaj Zajedničke komisije o postizanju o jedinstvenom tekstu Zakona o koncesijama Bosne i Hercegovine

Zajednička komisija je također postigla saglasnost o jedinstvenom tekstu Zakona o koncesijama Bosne i Hercegovine. Dom je usvojio Izvještaj zajedničke komisije. Od 35 prisutnih, 25 poslanika je glasalo ZA, 2 protiv – iz Federacije BiH ZA je glasalo 14, iz Republike Srpske 6 poslanika.

Ad. – 8: Prijedlog zakona o Agenciji za rad i zapošljavanje BiH (drugo čitanje)

Predsjedavajući Ljubić podsjetio je poslanike da je Sead Avdić podnio amandmane pozivom na član 94. tačka 3-a.

Amandman je obrazložio Sead Avdić, kojom prilikom je obavijestio Dom da odustaje od amandmana I i II, a da amandman III postaje amandman I i tako redom. Poslije izlaganja Seada Avdića Dom se izjasnio o preostalim amandmanima.

Svi preostali amandmani Seada Avdića na Prijedlog zakona o Agenciji za rad i zapošljavanje BiH (od I do VI) dobili su većinu prisutnih, ali ne i entitetsku većinu, pa će se o njima provesti postupak usaglašavanja u Komisiji Kolegija.

Ad. – 9: Prijedlog zakona o upotrebi i zaštiti naziva Bosne i Hercegovine (drugo čitanje)

O Prijedlogu zakona u drugom čitanju nije bilo diskusije niti je bilo amandmana. Sa 33 glasa ZA, 1 protiv i 1 suzdržanim, Dom je usvojio ovaj zakon.

Ad. – 10: Prijedlog zakona o izmjeni Zakona o industrijskom vlasništvu u BiH (drugo čitanje)

Dom je također bez diskusije u drugom čitanju usvojio Zakon o izmjenama Zakona o industrijskom vlasništvu u Bosni i Hercegovini.

Ad. – 11: Prijedlog zakona o kretanju u boravku stranaca i azilu (član 104. Poslovinika)
– prvo čitanje

U vezi s Prijedlogom zakona diskutovali su kratko Mustafa Cuplov i Osman Brka. Potom se Dom izjasnio o Prijedlogu zakona u prvom čitanju.

Od 36 prisutnih ZA su glasala 24 poslanika, 8 je glasalo protiv 2 su se suzdržala. Po entitetima, iz Federacije BiH ZA su glasala 22, iz Republike Srpske 3 poslanika. Prema tome, predloženi zakon nije dobio entitetsku većinu i ide u postupak usaglašavanja.

Ad. – 12 -17:

O prijedlozima zakona pod ovim tačkama dnevnog reda u prvom čitanju nije bilo diskusije, pa se Dom o istim izjasnio. Rezultati glasanja su sljedeći:

- Prijedlog zakona o međudržavnim i međuentitetskim komunikacijama – ZA glasala 22, protiv 10. Po entitetima, iz Federacije BiH ZA 22, iz RS 3;
- Prijedlog zakona o ugovorima o prevozu u cestovnom transportu – ZA 25, protiv 10. Po entitetima, iz Federacije ZA 20, iz RS 3;
- Prijedlog zakona o državnim cestama – ZA 26, protiv 10 – iz Federacije ZA 22, iz RS 3;
- Prijedlog zakona o osnovima sigurnosti saobraćaja na cestama – ZA 26, protiv 10 – iz RS ZA 3, iz Federacije 22;
- Prijedlog zakona o unutrašnjoj i pomorskoj plovidbi – ZA 25, protiv 9 – po entitetima iz Federacije ZA 20, iz RS 3;
- Prijedlog zakona o pošti – ZA glasala 24, protiv 9 – po entitetima iz RS ZA 3, iz FBiH 21.

Ad. – 18: Izvještaj Komisije za ljudska prava, imigraciju, izbjeglice i azil o posjetama jednom broju opština

Izvještaj Komisije s prijedlogom zaključaka obrazložio je predsjedavajući Komisije Osman Brka.

U diskusiji su učestvovali Miloš Jovanović, Franjo Majdandžić Violeta Kamberović, Osman Brka, Marko Amidžić, Mustafa Cuplov, Bahrija Osmanović i Dušan Stokić.

Poslije diskusije Dom se izjasnio o Izvještaju s prijedlogom zaključaka.

Od 32 prisutna ZA su glasala 24 poslanika, 2 su glasala protiv, 6 se suzdržalo. Glasajući po entitetima, iz Federacije ZA je glasalo 20, a iz Republike Srpske 3 poslanika. Prema tome, Izvještaj Komisije nije dobilo entitetsku većinu, radi čega će se provesti postupak usaglašavanja u Komisiji Kolegija.

Ad. – 19: Izvještaj o radu Komisije za razmatranje statusa lica naturalizovanih u periodu 6.4.1992. godine do stupanja na snagu Ustava Bosne i Hercegovine

Predsjedavajući Kluba PDP-SNSD-SPRS-SNS Željko Bilbija predložio je da se ova tačka dnevnog reda skine sa ove sjednice iz razloga što sjednici ne prisustvuje niko ispred podnosioca Izvještaja zbog čega nema ko da odgovori na eventualno postavljena pitanja u raspravi. Bilbija je zatražio i pauzu od pola sata

Prijedlog Željke Bilbije je prihvaćen pa je ova tačka skinuta sa dnevnog reda. Uslijedila je pauza na zahtjev Željka Bilbije.

Poslije pauze predsjedavajući Ljubić obavijestio je Dom da su u toku pauze izvršene konsultacije u vezi sa već skinutom tačkom – Izvještaj Komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o vazduhoplovstvu. Iznio je stav i užeg i proširenog kolegija da se na kraju sjednice ova tačka uvrsti ponovo u dnevni red jer postoji potreba za donošenjem ovog zakona.

Ad. - 20: Izvještaj Komisije za finansije i budžet povodom pitanja specijalne revizije za Projekat CIPS-a.

Izvještaj Komisije obrazložila je Emina Zaćiragić, predsjedavajući Komisije za finansije i budžet.

U diskusiji su učestvovali Mirko Mijatović Marko Amidžić. Potom je Dom prihvatio Izvještaj Komisije s mišljenjem da Dom zatraži od Ureda za reviziju da izvrši specijalnu reviziju projekta CIPS-a. Od 36 prisutnih ZA Izvještaj je glasalo 31 poslanik, dok su se 3 poslanika suzdržala.

Ad. – 21: Davanje saglasnosti za ratifikaciju:

- a) Sporazuma o razvojnom kreditu “Projekat upravljanja cestama i sigurnost” između Bosne i Hercegovine i Svjetske banke – Međunarodne asocijacije za razvoj (IDA),
- b) Konvencije o biološkoj raznolikosti, Rio De Ženeiro, 5. juna 1992. godine,
- c) Konvencije UN o suzbijanju dezertifikacije u zemljama pogodnim jakim sušama i/ili dezertifikacijom, posebno u Africi, Pariz, 14. oktobar 1994.

U vezi s ovom tačkom nije bilo diskusije. Dom je jednoglasno dao saglasnost za ratifikaciju akata navedenih pod podtačkama a), b) i c).

Ad. – 22: Izvještaj Komisije Kolegija o nastojanju za postizanje saglasnosti Prijedlogu zakona o vazduhoplovstvu u BiH

Predsjedavajući je podsjetio poslanike na Izvještaj Komisije Kolegija i da nije postignuta saglasnost. Potom je dao na glasanje u drugom krugu Prijedlog zakona o izmjenama i dopunama Zakona o vazduhoplovstvu.

Od 35 prisutnih ZA je glasalo 25, a suzdržalo se 10 poslanika. Glasajući po entitetima, ni iz Federacije ni iz RS niko nije glasao protiv. Prema tome, Predstavnički dom je usvojio Zakon o izmjenama i dopunama Zakona o vazduhoplovstvu BiH.

Sjednica je s radom završila u 16,00 sati.

Sastavni dio ovog zapisnika je transkript 31. sjednice Predstavničkog doma.

S E K R E T A R
PREDSTAVNIČKOG DOMA
Branka Todorović

PREDSJEDAVALA
PREDSTAVNIČKOG DOMA
Mariofil Ljubić